

Liebe Heinz

I freu mi riesig Der zu dim 90. Geburtstag gratuliere zdörfe. Als i vor 13 Jahr zum CC Zug cho bi, händ die damalige Herre vom Tisch 1 mi sofort herzli ufgno. Debi gsi sind Hanspeter Gasser, Rogi, Geni, Werni, Gino und Du. Es hät dänn schnell e Fründschaft geh zwösche üs, denn die einte han i vo de Curling Turnier im Engadin, Wildhuus oder Sangt Galle scho kennt. Mer hend so viele tolle Stund mitdenand törfe vebringe. Hüt gilt ab em halbi füfi immer de Blick is Stüebli ob de Heinz scho a sim Plätzli sitzt. Wenn me den spöter is Stüebli konnt, mues me mängmol ghöre me het au de Stei andersch könne spiele. Sisch halt scho so, hinderem Glas isch es immer liechter als une uf em Is. I wünsche mir das mitenenand zäme lustig si au für die nöchst Generation.

Dank de Grosszügigkeit vo de Mitglieder ond em Club dörf i Der hüt Obig Taxi Gutscheine im Wert vo 1430 Frangge übergeh. Dezu konnt no en kline Kosumationsgutschi vom Stüebli dezu.

Heinz alles Gueti, blieb gsund und chum no viele Mol zo Üs i Curling Halle Zug.